




Aug. 6030 - 6037

Biblioteka Jagiellońska



stdr0003092



Aug. 6030 - 6037

B O T R V S
CYPRI COELESTIS,
DE DIVINIORIBVS GRATIÆ DEI VINEIS,
Longè quàm Engaddicis felicioribus,
D E C E R P T V S:

E T

Illustriſſimo ac Reuerendiſſimo Principi, ac Domino,

D. P E T R O
G E M B I C K I,
DEI & Apoſtolicæ Sedis Gratiâ
EPISCOPO CRACOVIEſI,
D V C I S E V E R I Æ,
CANCELLARIO Academiæ noſtræ Ampliſſimo,
& Fauentiſſimo,
DOMINO AC MECOENATI CLEMENTIſſIMO.

A

M. IOACHIMO SPERONIO, *Sacræ Theologiæ Profefſore,
Eccleſiæ Collegiatæ S. Floriani Canonico, Parocho Proſouienſi;
ad ſacram Magiſtri Sententiarum prælectionem, cum
Diuino adiutorio accedente,*

OBLATVS AC PRÆSENTATVS.

Anno à Partu Virginis, Dei Parentis, 1652.
Menſe *Januarii* Die 30 Horâ 15

C R A C O V I Æ,
In Officina Typographica Lucæ Kupiſz S.R.M. Typographi.

S E P T E M,
Antiquissima VANDALINORVM Domus,
P E N N Æ,
Gentilitio, Illustrissimorum DD. MNISZKORVM, Stemmati,
d. c. q;

Illustre pennis, Stemma quod, pernicibus,
Ad summa tendat, seq. per septemplex
Libret meatus, regna præter nubium,
Ad vsque vastas, lucidi, sedes, poli;
Ignesq. Sacros, siderumque fulgura:
Ad summa nata Stirpis, inter Sarmatas,
Hæc summa laus est, hoc decus clarissimum.
Insigne pennatum, arte maius Dædalæ,
Cæcis Auorum consecrare debuit,
Domus vetusta VANDALINI Sanguinis;
Jtura cælo proximis curulibus,
Honoris inter brachia, et inter aureos
Fignes mitrarum. penna nec suffecerat,
Viris tot olim, totque rebus unica
Seu Marte gestis; seu togæ laboribus
Cælo inferendis; tota Septenarij
Sudare moles; totus ordo hæc debuit
Perfectionum colligi; dum pondera
Virtutis, atque literatæ gloria,
Mauortis inter laureas, perennibus
Fastis, anhelans fama ritè collocat.
Annon fatiget, ipsa septenæ licet
Mementa pennæ? victæ Moschæ labor;
Stragesque Volgæ, totque gentium stupor,
Armisque dextræ MNISCIANÆ, et grandibus
Sceptris onusta; colla quæis Septentrio
Subiecit olim totus; atque exhorruit,
Dum penna, fulmen Martiū fit, MNISCIA.
Sed his deesset Alitum decus licet,
Pennata fama præpetis velocitas;
TERESA PRINCEPS sufficit; Celsissimis
Æquare laudes, sola quæ par laudibus;
Et vls volucres in e pennas altius.
Multis negato literarum tramite.
Quam si silerent doctæ, vatū, barbita,
Et eruditus præteriret si labor;
Nec penna doctos; nec deceret aurea
Testudo Vates; digna plectris omnibus
Hæc una cum sit, Pallas Arctosæ plagæ,
Scribique pennis omnibus dignissima.

Aug 6032

Illustrissimæ, & Excellentissimæ
P R I N C I P I,
ac Dominae,
D. VRSVLÆ TERESÆ,
DE WIELKIE KONCZYCE,
K O R Y B V T O W Æ,
In Wisniowiec & Zbaraś
D V C I S S Æ,

Principum Sarmatiæ Matronarum Ocello,

Pietatis delicio, Musarum Corculo,

Sæculi nostri ornamento,

Antiquissimæ WANDALINORVM Domûs;

imò & Aquilonaris plagæ,

nouæ Palladi,

an verius dicam?

Ingeniorum, inter Matronas Sarmatiæ,

Phænici;

Cui,

Per septemplices, gentilitiæ pennæ, circuitus,

Ad summam, virtutum & literarum gloriam,

prouectæ;

Irretortos, in fontem luminis cruditi, defigere mentis oculos,
tàm raro inter Hyperboreas gentes, priuilegio concessum est;

quàm raræ sunt in Orbe, Phænicis post quinque sæcula, è tumulo cunæ.

Huic ergo

Incomparabilis animi, limatissimi iudicij,

Græcæ, Latinæq, eruditionis dotibus,

instructissimi pectoris,

modestissimi tamen vbiq; de se sensûs,

verè Duci, verè PRINCIPI,

suprà omnia elogia posita ;

Elogiorum

D. THOMÆ, DE VILLA NOVA, ARCHIEPISCOPI VALENTIÆ,

Patris pauperum,

tanquam

Matri, & Protectrici pauperum,

misericiordiæ, & charitatis operibus deditissimæ,

vmbratilem hunc, qui lucem nondum aspexit, partum,

lucidissimo, illustrissimi nominis sui splendore, illustrandum ;

in argumentum officiosissimi cultûs,

& in obsidem perpetuæ deinceps venerationis, ac obseruantiaë,

offert, dicat, consecratque,

Illustrissimæ Celsitudinis suæ

Virtutum, & Gloriæ,

iam olim priuatus admirator, nunc etiam publicus Panegyrista,

M. STANISLAVS IOSEPHVS BIEZANOWSKI,

Philosophiæ, in Almâ Vniuersitate Cracouiensi Doctor,

ab annis tredecim oculis orbatus.

A D E A N D E M

Illustrissimam,

E T

Excellentissimam Principem,

Pusilli Carminis

P R O L O Q V I V M.

Non licet, ah agro, Princeps Celsissima, Vati!
Non licet ad solitæ, surgere plectra, lyra;
Dilectas tentare fides, carmenque negatur,
Pierijs, iterum concinuisse, modis.
Heû mihi! corporeis, mens circumducta, catenis,
Sentit onus, nec se liberè, vt ante leuat;
Sitque licet caeleste genus, nil conscia terræ;
Cogitur humanas, ferre patique vices;
Me tamen interius, vis quædam mira canendi
Sollicitat, numeris ex filioque nouis;
Intima, iam totum, spirant præcordia, Phæbum;
Et videor, Musis, redditus esse, meis.
Res noua; sed tanti, iam sentio, numinis ortum,
Et quantus, stimulet pectora nostra, calor.
Nempe Tuas, quod Phæbus amet, Dux inclyta laudes,
Deliciumque sui, quod putet esse chori;
Et quod Hyperboreis, Te doctam Pallada, terris,
VANDALINÆ, stupeat, grande iubarq;, Domûs:
Et cytharas omnes, et pectora cuncta fatigat;
Ad laudes passim, doctaque fila tuas.
Hic ille est stimulus; Sacer hîc, quo accedimur ignis;
Hic calor, hæc animi, venaque, visque mei.
Tu virtute Tuâ, Tu laudibus, atque stupendis
Dotibus ingenij, barbita nostra moues.
Tu noua Calliope; Tu Musis omnibus vna
Verior, et nostræ, Tu noua Musa, lyra;
Cui Latium decus omne dedit, multisque negatas,
Attica lingua, suas, cui reserauit, opes:
Vt iam Sarmaticas, Te Mutia docta, per oras,
Ausonidum Diuis, censeat esse parem;

Egelidamque, animos nasci miretur, ad Arcton;
 Doctrinæ palmam, quæis Latium omne ferat.
 Sed magè se totam, Matronæ Principis, vno
 Pectore concludi, Græcia docta stupet;
 Quæq; Areten, Sapphonq; suam, totq; agmina reddat
 Musarum, Lechici nominis esse Ducem.
 Tantus honos, tantumq; venit, Dux Inclyta, de TE
 Nomen Sarmaticæ, tantaq; fama plage.
 Tu Matronarum Flos es; Tu splendor auiti
 Stemmatis; et Stoa Tu sapientis amor.
 Parnassi Diuas, veterum figmenta relinquo;
 Tu Princeps, posthac carminis, vna, mei.
 Si tamen esse Tuum me, Princeps optima, Vatem;
 Atque fines, animo, me placuisse Tuo:
 Tunc ego septenis, magno de Stemmate, pennis
 Subuectus, Lechicis celsus ibo iugis,
 Et nisu maiore ferar. Nunc suscipe PRINCEPS,
 Exigui, poterant quod, Tibi ferre, lares.
 Offerimus nonnulla Tibi, quæ fortè super sunt
 Pignora Scriptorum, dona pusilla satis.
 Credimus illa quidem, (quis enim Te iudice, partus
 Esse suos aliquid, doctaque scripta putet?)
 Credimus, ad nitidæ, tersissima lumina, mentis,
 Illa, minus genio, forte probanda tuo:
 Quod tamen hæud illis, nostro de lumine venit;
 Cum Solem nobis, lumina clausa negent:
 Tu dabis et solem, nostris, et lumina, rebus,
 VANDALINÆ, rutilans ôCynosura! Domus.



DIVI THOMÆ

DE VILLA NOVA,

Eleemosynarij,

ARCHIEPISCOPI VALENTIÆ,

Vitæ Sanctissimæ

ELOGIVM I.

Oriri in Hispania, non occumbere Solem,

Sacra, profanaq; Lucis, in immensum aucta Majestas, euincit.
Sola hæc,

In Sole posuit tabernaculum suum;

Dextrâ, leuâque, cunas, & thalamum Lucis, complexa;

Non sæculis, sed annis propè singulis;

Aut Fidei, aut Regni Solium, cum Sole promouens, remouens nunquam;

Filia lucis, Mater facta est sanctitatis.

Sterilis primùm, vt omnes; quæ valido nisu, miracula virtutum, enixæ sunt Matres;

Post, absq; exemplo, quò annosior, eò fecundior;

Quam Iacobo, vix septenam prolem, concesserat; eam nunc anus Mater, septuplum re-
Vt de ea iure dixeris, (fundit;

Ipsa quoque concipit Filios, in Senectute sua.

Adeo,

Vt Sanctos alibi fieri, in Hispaniâ nasci,

Paradoxum propè Sanctum sit;

Tantus, & tam frequens, Filiorum lucis, in Occidente Ortus.

Nec alibi decuit,

Religionis decus, & sanctitatis delictum;

Oris, & pectoris Apostolici Virum,

D. THOMAM, DE VILLANOVA, ARCHIEPISCOPVM VALENTIÆ;

Nisi in Religionis Catholicæ speculo, speculâque; & quidè in tutissimo virtutū Castello,

Castellæ regno nasci.

Hoc est illud, in quod IESVS intrauit, Castellum;

Salus nimirum animarum, quæ Optimam MARIÆ Partem elegerunt, grandis numerus.

Tuum hoc Prouincia Toletana, Vetus, & Nouum gaudium;

Quia ad vetusti sæculi Lumina, Noua tibi, de Villa noua, ex Alphonso, & Lucia, Lux orta

Quid Vates? quid Oracula petis? (est.

Ne Delphicæ quidè Phæbades, aliud tibi; nisi Luciam, Lucem Orbi parituram, respon-

Cunas ab aureo æuo Infantis, Imperantibus imperatûri, (dissent.

Ignem Seruij Tullij Coronam circumdedisse oportuit;
Nisi eas pulchrius, illustris Stirpe, illustrior virtute, Alphonfi & Lucie Parentum,
Pietas coronasset.

Mater Pauperum, Pauperum Patrem genuit;
Vsq̃ue adeò Filij matrifiant.

Prodigum Filium, prodiga non incuset Mater;
Quæ prior disperfit, deditq̃; pauperibus; cœu nihil Deo, nisi Filium; nihil Filio, nisi Deum,
relinquens.

Iam tum p̃r incrementa erogata farina, frumentum electorum prægustans.
O dispendia Elcēmosynas largientium, sine dispendio! ô lucrum sine sumptu!
O pauperum Matres!

Quàm vili pulmento, primogenita & benedictionem Dei, imò Deum, Filijs emitis!

E L O G I V M II.

E fonte riuum, è Sole radium; non è contra, manare nouimus;

Lucida tamen Sanctitatis LVCIA Mater,
Dum THOMAM orbi protulit; riuus fontem, radius Solem peperit.

Ea THOMÆ adhuc prætextati, Togata virtus;
Vt senium maternæ virtutis, non præcox; sed matura præiret,
Ingenio docili puer, Genium primò, fraudare didicit;
Mentis; non corporis augmenta quærens.

Sacram æternæ Cænæ Orem, ne corrumpere; ientare noluit; prandia pauperum, ien-
tacula sua ratus.

Nuditatem alienam, cum ferre non posset; propriâ, innocentia rectus puer, non erubuit.

Nunquàm se pulchriori vestitu rectum arbitratus; quàm cum regeretur nullo;
Festos quoq̃; dies, exhonorasse sibi visus; nisi viuæ Dei templa, detractis vestibus honorasset.

Æstu nimia Charitatis abreptus,
cum inuidiæ stimulos sentiret nullos; solas miseris lacernas inuidebat;
nemo Euclionum, ditiozem se quenquam ita; vt ille pauperiorem doluit.

Maestè Nouè Habacuc!

non à Spiritu; sed à vehementissimæ charitatis impetu correpte,
paratos Messoribus cibos, in Spicilegas pauperes diuide; nec illis minuendos; nec defutu-
ros diuinitus istis.

Quis in tantillo pectusculo, tantæ Charitatis Æthnam, arsisse crederet?

Sed quò tandèm, Sancte Puer præceps ageris?

Astus hic, extrà virtutis orbitam est.

Charitatis, inquit, ausus hic: ipsa viderit. aut suppleat, aut vrere pectora desinat:
Ego, quam diu his facibus vrer; in ipsa quoque cæli granaria, si liceret, inuolare m,

Quid agis Pufio Dædale? quid agis?

penna tibi amor est; iam volâsti. rea criminis charitas; ne in iudicium vocetur,
iam furtum amoris suppleuit. (gasset.

In tantæ charitatis domo, nemo germanam sororem sapientiam, non illibentè versari ne-

Deus Charitas est; intellectus bonus, omnibus diligentibus eum.

Inde THOMAS Compluti, antequam artium Discipulus, iam virtutum Magister,
Scientias ante docuit, quàm didicit; quia Deum ante scientias, seipsum ante doctrinam,
didicit & cognouit.

Quantum Magistrâ virtute profecerit,
Artium publicâ Compluti professione, professus est;

ea cum

eâ cum laude; quâ Salmanticam, studiorum Principem, absens, stupore implevit; quæ Cathedrali am ei, grandi stipendio dotatam obtulit;

Sed frustra.

DEVM absque stipendio, summum stipendium eligens; vitæ, quam scholæ sapere maluit.

Hoc tandem est, tritum illud, nec ab omnibus probè intellectum, speculari;

Mortalia nempe ut sunt, non ut dicuntur, nōsse, ex altoque despicere.

Qui sic speculantur, ad sobrietatem sapiunt.

NAM

temulentorum est; meliora videre, probareque; deteriora sequi.

ELOGIUM III.

Sæculum, cum multos deferat, à paucis deser-

Quid ita?

(tur;

Ea nempe dulcedo nobis, huius vastæ cauponæ est; ut non nisi consumptis omnibus, extrudi malimus, quàm exire.

Vetus hæc sæculi dementia est;

Vnam sequi, nec assequi; cum ijs, quos furor, aut exspes animus, in præceps agit; cum solida defunt, aërem nihil profuturum caprare;

nullam minorem iacturam, quàm æternitatis; nullum grauius dispendium, quàm amissis voluptuosi momenti, putare.

Sic dum ludimur; & deludimur; probra, damnaq; nostra diligimus omnes.

Risit hunc Sardonium sæculi, fortunæq; risum,

DIVVS THOMAS VILLANO VANVS.

è Salo sæculi, dum saluti consulit, ad fortunatas Asceticæ vitæ Insulas, animum applicuit.

Nauiget in hoc Salo;

cui ternis à morte æternâ, aut quaternis distare digitis, tutum est; electi certè, ipso etiam in continentissimo vitæ continente, in fida omnia, suspectaq; habent.

Fortunatas insulas quærenti, & suspiranti;

Paradisum voluptatis Deus inuenit, & plantauit;

Ut operaretur, & custodiret illum.

Si carò emitur, quod precibus emitur; maximis THOMÆ precibus, aut cælum; aut Paradisus emi debuit.

Quidni Paradisum voluptatis, Eremum AVGVSTINIANAM dixerim?

In qua, lignum Asceticæ vitæ, ad Regulam primùm effloruit; quæ deambulanti sub meridiem DEVM, tanto Sanctorum famulatio excepit.

Stabat in eius vestibulo, igneam torquens machæram,

Magnus Ecclesiæ militantis Cherub, Augustissimus Doctorum AVGVSTINVS;

Sed qui decoctores innocentia, paradyso exegerat;

Virginem THOMÆ innocentiam, non terruit gladius:

quin imò vetus excubitor, tot sæculorum custodia fessus, (se. gaudere visus est; Nouum de VILLA NOVA, qui vices suas suppleret, Cherubinū aduenis-

Felix Pater, qui Filium, senectutis suæ baculum, Atlas Herculem, habere potuit;

Prodigiosus Filius, qui tantum potuit exarmare Patrem.

Ex eo tempore AVGVSTINIANI Paradyfi custodia, mucroque ferreus,

DIVO THOMÆ VILLANO VANO,

in partem hæreditatis cessit.

Ergo Asceta factus,

B

Solitu-

Solitudinem, quam vbiq̃ue circumferebat, non inuenit; sed intulit.
Qui Ascetam inter homines egit, Angelus esse voluit in Ascetior;
Lingua, quod hominum est, rarius; mente, quod Angelorum, frequentius vsus;
Exinde linguam in mente; non mentem in lingua habere capit.
Perfectionis Asceticæ rudimenta, penè nesciit; ante consummatus, quàm tyrocinia incho-

Prodigium Ascetarum absq̃ue exemplo; (âstet.

cùm annis non nisi duobus paruisset; totâ deinceps vitâ imperauit.
Dixisses, eum Imperatoriâ Stirpe natum; nisi Imperatoribus quoq; ipsis, imperâisset.
Salmanticensi, Brugenſi, Vallisoletano, Asceterijs sæpius;
bis Prouinciæ toti præfuit:

Vt iam planè de Viro Sanctissimo, non sanctè suspicari liceat; eum obedientiæ virtute
caruisse; qui præfuit semper, paruit nunquàm:
ab ipso etiâ HIERONYMO SERIPANDO GENERALI, è Purpuratis deinde Patribus,
Concilij Tridentini Præside, cui obseruantiam debuit, obseruatus.

Sed cùm nemo rectiùs imperet; quàm qui libentè subest:
dixerim ego, eum in Sæculo, sub vetustissimâ Nouitiorum Magistrâ Charitate, religiosa
tyrocinia exsoluisse.

Ad pedes pauperum, in Xenodochio Domûs paternæ, humilitatis & obedientiæ leges
edoctus;

Suscitatus à terrâ inopum, collocari meruit cùm Principibus.
In regimine, Vir cordis mundissimi, decorè, & munditiem Domûs Dei, impensè amauit.
Viscera paternæ charitatis, quàm lata habuerit; filiorum magnitudo testatur,

Stupendo sanè privilegio,

Vir diuinissimus, noluit nisi Diuorum fieri Parens; quos XVIII. sanctitate, & miraculis
claros, cælo genuit.

Ecce quàm prodigiosus, DEO Parentium, partus!
Magnus hic, non à pariendo; sed à parendo Parens;
Orbem totum ingenti spiritu cõplexus Regibus, & Regnis Patres, & Patronos
Spirituales, sine numero dedit.

Indos, per HIERONYMV M XYMENEM, ALPHONSV M BORGIAM,
IOANNEM STATIV M, AVGVSTINVM CORONAM, Filios,
Sobolem Christi fecit;

Orbes quoq̃ue alios, Christo vectigales factûrus;
Si plures, quos Pelleus iuuenis, gloriâ ebrius, suspirabat, inuenisset.

E L O G I V M IV.

Non omne, quod differtur, auferri;

Doctrinæ Salmanticæ pupillam, Doctorum Ocellus, D. THOMAS Villanouanus, do-
Redeunt interdum vota, votis maiora; si diu vota fuerint. (cuit.
Optabat Salmantica THOMAM sibi Magistrum, vouebatq; sed differenda erat; ne
THOMÆ vota auferret.

Vir suprà omne pretium, pretiosus esse noluit; ne pretium perderet;
tantò carior, quantò carius est; quàm emi, donari.

Turpe putauit, aut Pastor olim populi, mercenarius; aut Doctorum Ductor: stipendiarius
Palladis fieri; mereriq̃ue maluit, quàm merere.

Ne aliquid in eo, præter THOMAM amaretur, aestimareturq̃ue;
Detraxit ei, quidquid THOMÆ non erat, Eremitæ Augustiniana;
reddidit-

reddiditque Salmantica, absque pretio, pretiosiore.

Sed mox

Indoluit bonis suis, damnauitque vota, votorum compos Salmantica.
Magistrum sententiarum, ad mentem Angelici Doctoris, Angelus ipse, & mens vtriusque,
publicè interpretatus, Salmanticam Eremum, Eremum Salmanticam fecit.
Deserta Lycæa, Cathedræq; ; luxitq; sua gaudia, desertus in suo Regno, Phæbus.
Ipsum tunc dixisses sapientiam, humanos vultus indutam, diuinum aliquid intonuisse;
tantus sapientum, in Collegio virtutis, confluxus.

Duos tunc sæculum illud, à quibus tot sæculis distabat, Sacri dogmatis Principes,

AVGVSTINVM & THOMAM,

In Divo THOMA VILLANOVARO, viderat.

Inaudita sanè Metempsychosis, duas tam grandes animas, pectus in vnum transfuderat:
nisi & ora quoque PAVLVS, & ELIAS obsedissent.

Hem ! quot nominum Viri ! & quot Virorum nomina !

I nunc ! & Salmantica, quod in Eremum conuolârit tota, diem dicito ;
Tot in vno THOMA Viris, post quos Orbis totus abiit, victrices manus dare,
Victoriæ quædam portio fuit ; cum ne Hercules quidem, contra duos.

Quantem è Cathedris, triumphus in rostris excepit.

Ducti Cæsares, Reges, Præsules, Principesq; ; circumlata Gentium, Urbiumq; simulachra:
secutæ, quæ non trahebantur, Prouinciæ.

Vindicata in libertatem captiuorum densa agmina.

Nemo minus ingemuit ; quam qui victus est : nemo magis victus ; quam qui magis ingemuit.

Qui Cathedraticus, traxit Urbem in Eremum Doctor ;

Ecclesiasticus, traxit Eremum in Urbem Orator.

Secutæ suum Orpheum, suæ feræ, syluæq; ; nec amplius, quales venerant, rediêre.

Hoc quoq; ad triumphi pompam pertinuit, Leonibus, tigridibusq; inuehi ;

Pendebat tunc ab ore dicentis ;

à cuius nutu pendebat, quidquid infra Cæsarem est ;

maximos inter Cæsares, gesto imperio ; posito, supra omnes positus,

suæ, & alienæ virtutis rigidus Censor, exactorque,

CAROLVS QVINTVS.

Grandis ille Africæ, Germaniæ, Galliæq; terror ; inuenit THOMAM, à quo terreri potuit,
voluitque.

Multiplex Imperatori Laurus non profuit ; quin THOMAM, Laureatus Victor,
timeret fulminantem.

Reus læsæ Maiestatis, videri poterat ; dum reos non impetrat, sed extorquet ;
nisi dubium, vtra maior Cæsaris, an Suadæ Maiestas, reliquisset ?

Quandoquidè

Maiestatis suæ Cæsar oblitus, Vallisoleti sapius Cæsarem exuere priuatus ; quam Cæsareæ
auditorem Suadæ maluit.

Hoc demum est,

Herculem clauâ, louem fulmine, Maiestatem gloriâ exarmare.
Sic habent Cæsares quoq; suum Dictatorem ; habet suum summa Potestas, obsequium.

Quidni ?

terrarum illi potestas concederet; cui calorū quoq; non incōcessum Dominiū.
Domus sua nemini tam facile, quam illi cælum, patuit.

Sacram athomum dixisses;

Ita rapi in cælum sustolliq; facilis; radium non sensit; quin terras linqueret.

Ascendentem in cælos Dominum, dū intuetur;
propè abfuit; quin venienti à limbo, animarum turbæ immistus, negatas viucentibus
æternales portas, perrumperet.

Et iam Hodopericon carmen incaperat; nisi canentem Angeli excepiissent.
Horis vndecim inter canentes moratus; ne diem integram, operarius domini, absq; opere
transigeret: duodecimam inter gementes, agere permissus est.

Inter Prophetas eum & Patriarchas tum oberrasse, spiritus Prophetiæ docuit.
Pro corde, quod DEO totum vouerat, arcana cordium recepit; mentium in terris inter-
pres factus, dum suam cælo defigit. (sens:

Qui DEVM, nunquàm non præsentem habuit: absentibus suis, nunquàm non adfuit præ-
Intellexit, quam non audiuit; reddiditq; vocatus, quam non protulit vocem;

Sic non persecutus est tantum vitia; sed insecutus quoque.

Magnus vitiorum, maximus Stygis hostis;

Dum odit vitia, & persequitur; factus est Orco exosissimus; vt ne conspectum quidem eius,
in energumenis ferre posset.

Nempè hîc illud seruiat, quod Tyrannorum olim fuit;
Oderint, dū metuant.

Nam & Tyrannis quoq;,,

cūm omnis fermè illicita sit; sola, quæ in Stygem, & abortiuum Stygis fatum vitia, exer-
cetur, non licita tantum; sed sancta est.

E L O G I V M V.

Nec correctio, errores omnes sequitur; nec pœnitentia.

Iuuit multos interdum errasse, delectauitque; qui nisi errassent, aberrassent.

Sæpè error coronas, coronatosque inuenit;

Quem nemo minùs damnauit; quàm qui errauit magis.

Asinas errasse nunquàm doluit; cui Thronus, & armus, de industriâ seruaturs est.

Nullus tamen sanctius vnquàm errauit;

Quàm qui, in Sanctuario Domini, Ecclesiæque candelabro,

D. THOMAM DE VILLA NOVA, posuit, calamus.

Mandauit fortè Cæsar CAROLVS V. Archiepiscopatum Valentia, ex Hieronymia-
nis Ascetis, cuidam, scripto publico, deferri;

Sed Maior Cæsare DEVS;

Dum gregi suo, Pastorem THOMAM destinat; errare scribam, quàm Cæsarem maluit.
Excidit scribenti graphiario; qui cogitanti forte non inciderat, CAROLO, THOMAS;

Non quod Cæsaris animo, summa omnia complexo, dilectus exciderit vnquam,
Villanouanus;

Sed quod, post oblatum Archiepiscopatum Granatensem, recusatumq; ;

Dilectum cogere nollet; trahi posse modestissimum, desperaret.

Lætus tam sancto errore Cæsar, mendum scribæ emendatissimum, DEI nutum
esse voluit.

Factus.

Factus tunc est, non lingua tantum; sed mens quoque Cæsaris,
Calamus scribæ, velociter scribentis.

Gaudium Patris, ex errore in Germaniâ, excepit Philippus in Hispaniâ gaudēs;
Cumque Orbis totus approbaret errorem; solus THOMAS errorem, errorem esse
corrigique, voluit.

Nunquam acrioribus studiis, pro errore, contraque certatum est;
vicissetque THOMAS mitram respuens, erroremque impugnans; nisi qui Cæsarem ante,
Verbo terruit;

Ipse quoque Sacri anathema fulminis exhorruisset.
Lugebat tùm Præfulem THOMAM, ipse, qui omnes exhilarauerat THOMAS;
funusque Ascetæ, Præsul lachrymis profecutus; extulit ipse feretrum suum,

Cathedræq; Pontificiæ intulit.

Gemmarum grandine, mitram Pontificiam depluere, vis lachrymarum fecit.

Solennem inaugurationi Pontificiæ apparatus, dùm conquirat;

Sollicitum Pontificem; sola curis omnibus paupertas absoluit.

Exspectabat Valentia Præfulem, viasque obsidebat omnes;

Sed mansuetissimus Præsul, eluctari per turbas nolens; quam solam contemptus liberam
fecerat,

Viam elegit paupertatis.

Arduam Pontificatûs sui celsitudinem, quò commodius conscenderet;
ad usque Suburbia Valentia, Archiepiscopus pedes venit: in comitatu, ne umbram quidem
secum ferens; nempe qui totus Spiritus, & fulgor erat.

Mirata est VALENTIA,

Ad Rachelem suam nouum Iacob, pedestri itinere Venientem;

astuq; sacro, pij Pontificis deprehenso, diu cùm ingressus sui pompâ colluctatum
inter Procerum tandem, & nobilium festos occurfus, in festum pompæ deduxit.

Inuaserat ante Pontificem, Diua, Pontificis aulam, Paupertas;

vt ædes, quas prima possederat, vltima dimitteret;

aulæis nudauit aulam; fastum palatio Palatinum proscripsit;

rigore insolito, Curiam noluit esse curiosam.

Pastor, oues in loco pascuæ collocaturus, famelicas primùm in Xenodochijs

Cereris illud sæculum dixisses; (adijt,

tanta ubique, esuriante Pontifice, inedia pauperum, paupertas fuit.

Lanâ quoq; hoc Præsule, absq; prodigio pluit, quàm olim frequentius;

dùm malè tectus Pastor, ouium operimenta, in imensum auget.

Eandem bis; Nero purpuram, non induit:

vnâ THOMAS, iam Pontifex, lacernam; quæ non decidit, nunquam exiit.
Domi, non nemo illustrium pauperum; dùm vestis resarciretur, heroicam occultauit
paupertatem.

Illustrior paupertate Præsul noster, suam, seque domi continuit, & resarciuit vestem,
vestium commissuram pati eligens; quàm omissionem pauperum.

Sed qui vestium probra, scissuramque non exhorruit; animarum aliena, vt sua, doluit vul-
nera, erubuit probra.

Samaritano maior,

Vbi vinum oleumque non proderat; sanguinem propriū, curationi alienæ, flagris elicit.

Inde nihil inuium illi,

etiam in ijs, quos ex spes animus in auia mortis detruserat,

Paruere viuo, mortui viuiq; ÷

quia mortifera labis nunquam conscius, fontem gratiæ, vitæq; amisit nunquā.

Manfuetissimus omnium,

cum nullius vitæ non fauisset; soli hæreticæ nouitati, prauitatiq; mortē optauit;

Pantheras, hæc nouitiū propter odorem suspectas, & foetentes aduertit;
atq; vt maculosas; ita candoris & veritatis hostes esse iudicans; inter purpuratos Concilii
Tridentini Patres, non Italiæ tantū finibus vt olim; sed orbe quoq; toto proscripsisset;
ni DEVS senio fessum, tollere manus in cælum cum Moyse; quā conserere

cum Iosue maluisset.

Dum filios ex sanguine, sanguine pascit, fouetque; verus esse, dicique meruit Pelicanus.
Imperua, obstinataque pectora, non vt Afer iuga Alpium aceto; sed sanguine emolliuit.

Sic profuit Ecclesiæ magis, quod longius abfuit cælo, quā terræ propior;
tulitq; in hæreticos sententiam, quam non protulit;

Clauo trabali Sisaræ caput transfigens, quem non sensit.

E L O G I V M VI.

Cladibus alienis, ambitiosa, illustrium cognominum, quærere incrementa,
vetus ambitiosorum libido est.

Maximorum nominū ortus, Gentium, & Prouinciarū semper constitit ab ortu;
nulliusque triumphantium, nouum antè retulit cognomen in fastos; quā illud trium-
phatis nefastum reddidisset.

Ad Africanorum, Asiaticorum, Macedonicorum, victoriosa cognomina,
per multarum urbium, populorumque stragem, deletaque nomina itum est;
ferroque vt plurimum, aurea empta nomina.

Solus Crassus, ferreum auro apud Parthos emit inglorius;
auro tamen aureus VALENTIÆ Præsul,

aureum Eleemosynarij cognomen, ferreā pauperum sorte, mercatus est.

Hoc solum cognomen sanè maximum, ablq; sanguinis, & vitæ impendijs partū,
Sanguinem & vitam multorum seruauit.

Vir modestissimi ingenij,

Totus cum omnes spreuisset; vnum hunc, crebrā per populum largitione, ambiuisse
visus est.

Quod illi hunc in Trophæo misericordiæ adscripsit, triumphata Valentiae paupertas.

Res planè insolita;

Id enim huiusmodi paupertati, misericors, dilexit, improbauitque miseriam;
in infantia cum eo creuere, res omnino diuersæ;

Odium, & miseratio:

illud sui; aliorum ista.

IOANNI ALEXANDRINO, Eleemofynariorum Principi,
ſæculi tantum ſenio; non miſericordiæ conceſſit;
Dubium relinquens inter prodigos filios, vter plus decoxerit?
Vendit ille donatum ſæpius, redemptumque pretioſum, quo humilitas tegi noluit,
operimentum:

Vendit iſte, quatuor drachmis emptum, guſtareque noluit piſcem;
Ne cænas pauperum, lauta Pontificis; quatuor drachmarum menſa, conſumeret.
Effuſâ largitione, hoc vterque egit; vt amata paupertatis, delicijs frucretur;
neuter tamen id conſecutus, accreſcentibus diuinitus nummis; plus expenſum, quàm
impenderat,

vterq; cognouit.

In his ſolis,

Non creuit amor nummi; quantumuis ipſa pecunia creuerit.
Neminem Craſſus, Romanorum ditiffimus, diuitum numero accenſeri poſſe, iudicauit;
niſi qui annuis, legionis integræ ſtipendijs, ſufficere poſſet.

Latare, ô incomparabilis magni Pontificis charitas!
Audin' te, iam cum tuorum legione pauperum, inter diuitum Principes connumerari?
Nullius vnquàm Principis limina, tanto circumſtantium famulatio obſeſſa, ſeruataq; ſunt;
quantò modeſtiſſimi Præſulis, famulatio non egentis.

Scilicet

Non ſic excubiæ, non circumſtantia pila;

Quam tutator amor.

Amor certè, cui diu ſæcula laborabunt; vt parem referre poſſint.

Virum hunc, ab aureo æuo fuiſſe;
aurei ſæculi teſtis, loquatur VALENTIA.

Condidit illud;

Qui & celebres olim aureorum malorum hortos, reſtituit in Hiſpaniâ,

D. THOMAS VILLANOVANVS;

Tantò clariores, & feliciores;

quantò, Dracone, ſepibusq; ſublatis; plus in eos miſeris; quàm olim Herculi licuit.

Semel olim auro pluiffe, louem;

Idq; intra ahèneam, Danaës turrim, legimus:

aureus nempè imber.

Ahèneâ turri concludi, debuit; ne auaritiæ irritaret ſitim.

Quantò ſæculum THOMÆ felicius!

quod non ſemel; ſed annis ſingulis, ex octo decem Pontificij redditus, tredecem
aureorum millia,

in ſinus pauperum non depoſuit; ſed effudit.

Ahèneâ turrim neſcijt;

qui aureum imbrem, per vicos, & plateas circumferens, verè iuuans Pater eſſe voluit.

Aurea Domus Neronis, ferreum Romæ ſæculum condidit:

ex aureis laquearibus, fatale ceruicibus Romanis ferrum pependit;

cuſuſque eſt, in aurearum menſarum incude; qui Patriciorum corda, tranſfigeret gladi?

Aurea THOMÆ Pontificis Domus, ferreæ paupertati inimica; quo caput indigentiae
meteret, aureum inuenit, & excudit gladium.

Non marmore; sed lapide Philosophico substructam crederes:
Ità, quidquid ferreum, dura paupertas in eam intulerat; aureum extulit.
Parum fuit auro imbre depluere; nisi vitæ, sanitatisque pauperum pretiosum Elixir sudasset.
Multi, qui stipem petierant; petendæ ampliùs stipis, necessitate absoluti sunt;
claudi quoque, cum stipe, pedibus donati; quò alacrius, ad pauperum Patris, misericor-
diæ viscera currebant.

Sed amantiſſimo pauperum Patri,
Parum viſum eſt, Patris viscera induere; niſi Mater quoque, & nutrix fieret.
Vbera, quæ masculis natura negauit; mascula virtus ei adinuenit.
dependebant ab vberè Pontificio infantes, quibus à materno, pendere nō licuit:
fuere, quæ, Patres, lactauere filiæ:
ne Patres quoque qui filios, filiasque lactauerunt; deessent; optimus lactentiū Pater, fecit.
Ipsam cælo delapsam, putasses misericordiam, curam pauperum suscepisse;
Si gestatos Pontificis brachijs, nutritosque infantes lacte, conspexisses.
Inter greges infantium, Pater idem, Mater, nutrixque; fecundæ virginitatis miracula excitans,
Vir Apostolicus, omnia omnibus, propter Christum factus est.

Diua nempè Charitas;

cum in alijs tota aut cor, aut manus, aut oculus Pauperum fuisset;
in D. THOMA tota vber esse voluit:
tantò libentiùs; quantò misericordiæ Matri vbera ferre, lactareque conuenientiùs.

E L O G I V M VII.

Sitire Patriam, suspirareque; non tam peregrinorum, quàm exfulum est.
Peregrinari, multis vitæ totius negotium fuit;
qui habuere interdum sua; quibus Patriæ amorem extinxerant, solatia.
Fuere, quibus ab ortu, ad occasum peregrinatio, Ortum & Occasum vitæ, definiuit;
exilium tamen, nemò libens vnquam delegit; niſi qui ante, exulauit in Patriâ.

Suam cuique, Ithacam;

quantumuis Ithaca, hoc est sterilis & inculta sit; per vicinas etiam hyemes quærere,
dulce est.

Quanto maior electorum fitis,
Qui vt Patriam tantò ardentius ſitirent;
Mel de petra exilij sugere, videbantur.

Sitientium illæ voces sunt:

Quando veniā, & apparebo? Cupio dissolui, & esse cum Christo: morior, dum cesso mori.
Iam hoc æstu conflagrauerat;

Siti que vehementissimâ tostus, corpore mortis huius, liberari cupiebat,

D. THOMAS DE VILLA NOVA;

Sed optimum Pontificem, premebat ipse; qui alijs leuissimus videtur, Pontificatus.
Ipse sibi sarcina, ipse pondus; ipse ponderis sui, sarcinaque baiulus erat.

Quid faceret premens ipse, pressusque?

Vastæ molis columnas, suo, alienoque fato, inuoluendas; loco mouere, cum Samfone,
non liquit.

Brachia quoque non aderant; quæ onus portarent, sine onere.

Solus

Solus amor crucifixus, brachia tetenderat; ceu crucifixum amanti subuētura.
Ergo succumbenti similis, fufusq; large in lachrymis, fufus ipse, prostratusq; :
Parce, inquit, amor, tibi hoc onus, cum onerato ferendum est; aut Pontificis onus recipe;
aut clamare desine:

Venite ad me omnes, qui laboratis, & onerati estis; & ego reficiam vos.
Redde THOMAM, THOMÆ; redde Thomam, tibi; ego reddo, Pontifex; quod tuū est:
recte tu quoq; o Amor! quod meum est, nempè me mihi.

Torqueri amplius, premi q; amantem, non sustinuit crucifixus amor;
Oreque, quod hucusq; uisitur aperto:

Cogis, inquit, THOMA, semper & imperas; sed quid amanti faciam?
brachia mea, brachia tua sunt; pone te, sicut signaculum,
super brachia mea.

Natalis Matris meæ; natalis tuus erit, teque mihi coniunget.
Corde caruisset THOMAS; nisi ad hæc verba amoris, totus in cor; hoc est, in gaudium
cordis, abiisset.

Gaudebat certè, nō quod onus THOMÆ; sed quod oneri THOMAS, subducend^o esset;
Occasus honoris, diem illi lætitiæ attulit; quia ortus, noctem mæroris attuletat.
Amico pectori fassus ipse;

se, ex quo Pontificem induit; diem lætum habuisse nunquam:
Tantus in modestissimo pectore, honoris horror fuit.

Vndecimo anno; quem lachrymis deprecatus est, cum lachrymis Pontificatum finiuit:
Totidem nempè horas;

Inter cælituum cantica, cum Ascendente Domino raptus transegerat;
Ceu horarum vndecim gaudio; totidem Pontificij laboris annis, præparari debuerit.

Ab Angelis canentibus ibidem,

Ad Angelorum Dominum, psallendo transire didicit; Cygnum in vita, & in morte
professus,

diem æternitatis ingressurus; auroram, solis æterni prænunciam, habuit.
Nunquam purioribus fascijs, Virginalis THOMÆ innocentia, cælo inferri potuit; quam
quibus Virgo Virginum, reparatrixq; amissæ innocentiae, terris illata est.
Patris pauperum obitum supplcuit, Matris misericordiae ortus; nullius maiore, quam
paupertatis gaudio.

Putabat illa,

se, cum eo; cuius in amoribus fuit, cælis recepto, eripiendam terris;

Viderat nempè illum,

lethali donato, mutuatoque lectulo, egentissimum omnium mori;
At cum non lacteam illi; sed emptam quatuor aureorum millibus, in ipso margine Vitæ,
effusâ largitione in pauperes dispersis; auream semitam, in cælos erigi conspexisset;
naturâ pusillanimis, tantaque vestigia consequi se posse desperans,
luctus, & squaloris sui situ obsoleuisset;

nisi Matris misericordiae exortu, recreata, cordi se esse cælitibus, intellexisset.

Quancquàm de Optimo Pontifice, paupertas pauperrimè sensit;
ceu ditior factus, eleemosynarius esse desierit.

Hoc verò est, Pygmæi pollice, Gigantem; lucernâ, metiri Solem.
fallitur, quisquis mensuram Sanctorum supereffluentem, & super agitatam; mortalitatis
metitur pugillo.

Plus illis à morte licet; in quos morti licuit nihil: sicut quibus à morte nihil licet, omnia
in eos mortalitati concessa.

Sepulchra electorum,

Mortis sepulchra, morborum scopuli, salutis publicæ fodinæ sunt.

D

Exhala.

Exhalauerunt sapius, odoratissimas cinnami delicias; manauerunt oleo; floruerunt lilijs;
Verius, quàm olim quidam, in sui nominis abière flores.

Nec aliud, D. THOMÆ, DE VILLA NOVA, à morte in mortalitatem, & mortē ipsam
imperium.

Qui bonus odor Christi in vita, mirrhaque cuncta fuit;
dedit à morte odorem suauitatis.

Phœnicis rogam, cineresque putâs; tanta aromatizantium virtutū fructus, conflagrauerat.
oleo quoque misericordiæ, oliua pauperum speciosa, nunquam manauit abundantius;
quàm cum non tam mortis; quàm leui amoris vertere, conueniât.

E castis ossibus, iuissent etiam florum, veruere de hinc;
nisi vtilitatis publicæ amantissimus Pater, fructus, quàm flores maluisset.

quanquam ne à florum quidem breui solatio abhorruit;
qui sparsos, per Mausolæum suum mortuos; ad vitam, curationemque aliorum animauit.
Verius quàm Xanthus olim Tilonem, à dracone occisum, ad vitā, herba Bali, somniauerat
reuocatum.

Nunquam pallida erubuit magis, quàm ad floridū THOMÆ Sarcophagum Proserpina;
dum Sacris cedere floribus coacta, aciem suam; ne ad florum quidem ruinā valere, indo-
Tum certe Flora,

Quomodo nunquam alias, floralia sua institui vidit, Apparatu magnificentissimo.

At Æsculapio cultus, gallorumque victimæ penitus ademptæ.

Ara salutis publicæ,

Bustum Villanouani factum, victimas Æsculapio ademit.

Ereptā morti clauā, vitæ clauis recepit; factusque est morbis, & mortis

Lapis offensionis THOMAS.

Allisit ad hoc saxum, suos natura, dolorque abortus; recepitque, quod corruptū intulerat,
ab incorrupto THOMA, incorruptum.

Qui in terris positus, cælo filios, sine numero genuit: in cælum receptus, terris parere co-
Quinque pueros, & sex puellas vitæ restituens.

Ceu necdum curis omnibus absolutus, curam infantum cælo secum intulerit.

Dignus proinde habitus;

Cui terra cælestes, in terris deferret, honores.

Certauere in deferendis illis, cæloque; inferendis, ij; quorū summa in terris cælorum potestas.

PAVLVS V. ouantem, per Hispaniam duxit.

GREGORIVS XV. triumphum illi minorem, Orbe quidem toto; sed per sola tantum,
Augustinianorum Asceteria, decreuit.

Sed maximus triumphus, victoriosissimi ominis nomini seruabatur;
quem cum illi, inter Sanctos relato; Pontificum norma, Pontificū speculo; mera charitas,
dilectioni merissimæ; Eleemosynarius, Eleemosynario;


ALEXANDER VII. instituit;

Omnium honores fauoresque, Orbis iterum totius victor, viciit

ALEXANDER.

Ad Maiorem Dei Gloriam, B.M.V. D. THOMÆ, DE VILLA NOVA, & SS. Omnium
Honorem.

—(X)(S—o—s)(X)(S—o—s)(X)(S—



bon
cha
ne
qua
vin
fals
au
aq
vt
a c
fu
lit
Pa
be
di
a
es
e
c
r
n
e

n
adS, 1

